

**MESYUARAT PERTAMA (PEMBUKAAN RASMI)
BAGI PENGGAL PERSIDANGAN KETIGA
DEWAN NEGERI JOHOR YANG KELIMA BELAS
PADA HARI ISNIN, 13 MEI 2024, JAM 9.30 PAGI**

SUSUNAN PERKARA-PERKARA MESYUARAT

1. **DOA.**
2. **PEMASYHURAN DARIPADA YANG BERHORMAT SPEAKER DEWAN NEGERI JOHOR.**
3. **SOALAN LISAN**

**YB PUAN NG KOR SIM (JEMENTAH)
SOALAN 1 (A7)**

Forest City telah diumumkan sebagai Zon Khas Kewangan pada Ogos 2023. Apakah langkah atau perancangan khas bagi merealisasikan wawasan ini?

**YB TUAN CHEN KAH ENG (STULANG)
SOALAN 2 (A118)**

Apakah status perkembangan SEZ dan SFZ Johor/Singapura?

**YB CIK LIOW CAI TUNG (JOHOR JAYA)
SOALAN 3 (A180)**

Nyatakan pandangan Kerajaan Negeri Johor dari segi peluang pekerjaan, perkembangan ekonomi dan pelancongan terhadap berita berkenaan bahawa kerajaan mempertimbangkan pembinaan dan meluluskan lesen kasino dalam usaha memulihkan Forest City.

**YB TUAN LIEW CHIN TONG (PERLING)
SOALAN 4 (A155)**

Apakah langkah-langkah dalam bidang kuasa kerajaan negeri yang diambil untuk memudahkan pergerakan keluar masuk di antara sempadan Johor-Singapura?

YB CIK LIOW CAI TUNG (JOHOR JAYA)
SOALAN 5 (A181)

Apakah status dan usaha kerajaan untuk melaksanakan kaedah Sistem Kod QR di CIQ bagi rakyat Malaysia seperti Singapore bagi mempercepatkan lagi proses imigresen dan pergerakan keluar masuk CIQ.

YB TUAN TAN ENG MENG (PEKAN NANAS)
SOALAN 6 (A102)

Jualan Kasih Johor mendapat sambutan yang amat menggalakkan daripada Bangsa Johor. Adakah kerajaan negeri boleh mempertimbangkan supaya Jualan Kasih Johor dilaksanakan secara berkala dan tidak tertumpu pada musim perayaan sahaja.

YB DATO' JEFRIDIN BIN ATAN (KUKUP)
SOALAN 7 (A5)

Berapakah jumlah subsidi yang ditetapkan bagi setiap DUN untuk melaksanakan Jualan Kasih Johor berikutan daripada rungutan masyarakat di DUN Kukup berhubung dengan jenis barangan dan kuantiti yang di jual terlalu sedikit menyebabkan kehampaan kepada masyarakat yang datang.

YB TUAN ANUAR BIN ABD. MANAP (PEMANIS)
SOALAN 8 (A21)

Bagaimanakah sambutan program Jualan Kasih Johor dan apakah strategi kerajaan negeri untuk menambah baik program ini yang mana ia dilihat membantu rakyat menghadapi kenaikan harga barang terutama barangan basah di pasaran?

YB TUAN NG YAK HOWE (BENTAYAN)
SOALAN 9 (A72)

Berapakah jumlah lokasi Jualan Kasih Johor yang telah dilaksanakan di setiap daerah menjelang musim Perayaan Tahun Baru Cina dan Hari Raya Aidifitri?

YB DATUK MOHAMAD NAJIB BIN SAMURI (PARIT YAANI)
SOALAN 10 (A160)

Setakat tahun ini berapakah jumlah subsidi yang telah diberikan oleh kerajaan negeri melalui Program Jualan Kasih Johor di bawah FAMA?

YB PUAN NG KOR SIM (JEMENTAH)
SOALAN 11 (A10)

Apakah inisiatif bagi memupuk lebih ramai atlit yang bertaraf antarabangsa dalam negeri Johor?

YB TUAN HAJI BAHARUDIN BIN MOHAMED TAIB (PERMAS)

SOALAN 12 (A116)

Mengapakah setiap permohonan melalui e-rumah hanya diberikan tempoh sebulan sahaja?

YB PUAN HASLINDA BINTI SALLEH (TENANG)

SOALAN 13 (A106)

Kerajaan negeri sentiasa cakna akan hal ehwal kanak-kanak. Oleh itu, apakah inisiatif atau program kerajaan untuk menggalakkan persekitaran mesra kanak-kanak?

YB TUAN HAHASRIN BIN HASHIM (PANTI)

SOALAN 14 (A136)

Apakah usaha yang sedang dan akan dilaksanakan bagi memastikan kesesakan Lebuhraya Utara Selatan pada waktu puncak khususnya di negeri Johor dapat diatasi sepenuhnya?

YB DATO' HJH SHARIFAH AZIZAH BINTI DATO' SYED ZAIN (MAHKOTA)

SOALAN 15 (A171)

Isu kesesakan di Lebuhraya PLUS dari sekitar Sedenak menghala ke Johor Bahru dan sebaliknya. Apakah langkah penyelesaian segera yang boleh dilakukan oleh kerajaan negeri bagi mengurangkan kesesakan tersebut?

YB PUAN HASLINDA BINTI SALLEH (TENANG)

SOALAN 16 (A97)

Selain pemberian One-Off kepada pegawai masjid dan surau dalam negeri Johor, apakah perancangan kerajaan negeri bagi menambah baik kadar elaun pegawai masjid dan surau dalam memastikan elaun yang diterima bersesuaian dengan kadar kos keperluan sara hidup masa kini?

YB PUAN HASLINDA BINTI SALLEH (TENANG)

SOALAN 17 (A105)

Apakah perancangan kerajaan negeri bagi menarik minat orang muda atau pelapis untuk berkhidmat di masjid atau surau? Ini kerana elaun yang ditawarkan rendah dan tidak dapat menarik minat golongan ini?

YB TUAN HAJI BAHARUDIN BIN MOHAMED TAIB (PERMAS)

SOALAN 18 (A115)

Apakah tindakan kerajaan untuk mengatasi masalah penempatan pekerja asing?

YB TUAN LIEW CHIN TONG (PERLING)

SOALAN 19 (A158)

Nyatakan rancangan kerajaan negeri dan permintaan kepada kerajaan persekutuan dari segi pembangunan kemudahan kesihatan di Daerah Johor Bahru secara khusus dan Greater Johor Bahru secara amnya.

YB PUAN MARINA BINTI IBRAHIM (SKUDAI)

SOALAN 20 (A33)

Banyak pembangunan yang wujud di Johor akan memberi limpahan ekonomi kepada negeri. selain rumah mampu milik dan PPR. Apakah usaha kerajaan negeri dalam memastikan pemaju perumahan dapat menyediakan rumah pada harga mampu milik kepada rakyat negeri Johor?

YB PUAN RASHIDAH BINTI ISMAIL (PASIR RAJA)

SOALAN 21 (A44)

Apakah usaha-usaha positif yang boleh diambil oleh kerajaan bagi merencanakan pembangunan tanaman kelapa di negeri ini kerana tanaman kelapa sawit telah begitu dominan, manakala bekalan kelapa segar dan kelapa muda mendapat permintaan yang tinggi di negeri ini.

YB PUAN SARASWATI A/P NALLATHAMBY (KEMELAH)

SOALAN 22 (A95)

Berapa ramai penerima manfaat bagi inisiatif WCare Johor di bawah LPPKN Johor hingga 2024 dan apakah syarat syarat utama bagi mendapatkan perkhidmatan ini?

YB TUAN NG YAK HOWE (BENTAYAN)

SOALAN 23 (A69)

Apakah status perancangan atau pelaksanaan penggunaan aplikasi pembayaran parkir di setiap PBT Johor?

YB PUAN NOR RASHIDAH BINTI RAMLI (PARIT RAJA)

SOALAN 24 (A152)

Berapakah peruntukan yang diterima oleh sekolah di dalam DUN Parit Raja yang telah diagihkan oleh Kementerian Pendidikan bagi tahun 2023. Diminta senaraikan secara terperinci.

YB DATO' JEFRIDIN BIN ATAN (KUKUP)

SOALAN 25 (A1)

Apakah tindakan dan usaha kerajaan negeri bagi meningkatkan penguatkuasaan terhadap premis perniagaan daripada dimanipulasi pekerja asing yang bekerja di pasar raya tertentu dengan cara menyimpan barangan bersubsidi dan hanya menjual kepada kaum warga asing mereka sahaja?

YB DATO' JEFRIDIN BIN ATAN (KUKUP)
SOALAN 26 (A3)

Adakah kerajaan negeri bercadang untuk memberi bantuan komputer riba atau tablet komputer (Ipad) kepada Ketua Kampung serta elaun alat tulis untuk membantu dan mempermudah tugas mereka dalam mentadbir kampung?

YB TUAN TAN ENG MENG (PEKAN NANAS)
SOALAN 27 (A103)

Mohon kerajaan negeri mempertimbang menyalurkan peruntukan khas bagi membaikpulih fasiliti sukan kampung yang uzur, seperti padang bola, yang kini tidak dapat diselenggara kerana kekangan peruntukan? Ini penting bagi memberi peluang kepada belia-belia di kampung untuk menjalankan aktiviti sukan dan beriadah.

YB PUAN SARASWATI A/P NALLATHAMBY (KEMELAH)
SOALAN 28 (A94)

Berapakah jumlah laporan kes penderaan kanak kanak yang dilaporkan di negeri Johor tahun 2023 dan tahun 2024 sehingga kini mengikut jenis penderaan dan kategori umur yang paling banyak menjadi mangsa penderaan?

YB DATUK HAJI MOHD. FUAD BIN TUKIRIN (BUKIT NANING)
SOALAN 29 (A58)

Kewujudan peniaga asing Rohingya menjalankan perniagaan tanpa lesen dengan membuka gerai serta jualbeli besi buruk atau barang terpakai semakin berleluasa. Pergerakan mereka ke kawasan kampung semakin meluas dan boleh mengancam isu keselamatan. Apakah tindakan tegas daripada pihak berkuasa tempatan?

YB TUAN HAJI BAHARUDIN BIN MOHAMED TAIB (PERMAS)
SOALAN 30 (A112)

Berapakah nilai aset wakaf yang terbiar tidak digunakan?

YB PUAN RASHIDAH BINTI ISMAIL (PASIR RAJA)
SOALAN 31 (A46)

Terdapat aduan daripada pesakit yang dibenarkan pulang dari hospital tetapi proses keluar hospital mengambil masa yang lama. Kelewatan menyebabkan pesakit lain yang sepatutnya dimasukkan ke wad menunggu lama kerana tiada kekosongan katil. Apakah inisiatif pihak hospital bagi menangani masalah tersebut?

YB TUAN MUSZAIDE BIN MAKMOR (SEDILI)

SOALAN 32 (A75)

Isu kedalaman Muara Sungai Kuala Sedili dan Sedili Kecil. Apakah perancangan jangka pendek dan perancangan masa hadapan yang dirancang bagi mendalami dan penambahbaikan isu ini kerana ianya melibatkan pendapatan hasil nelayan khususnya dalam DUN Sedili.

YB TUAN NG YAK HOWE (BENTAYAN)

SOALAN 33 (A73)

Senaraikan jalan yang telah dinaik taraf dengan menggunakan teknologi garisan jalan bercahaya dalam gelap atau glow in the dark di negeri Johor.

YB TUAN HAJI MOHD YUSLA BIN ISMAIL (SENGGARANG)

SOALAN 34 (A210)

Adakah kerajaan bercadang membina Pusat Pemindahan Kekal (PPK) bagi menghadapi banjir pada masa akan datang di kawasan DUN Senggarang.

YB TUAN CHIONG SEN SERN (BUKIT BATU)

SOALAN 35 (A203)

Apakah langkah yang diambil untuk meningkatkan akses kesihatan di kawasan pedalaman bagi mengurangkan jurang kesihatan antara bandar dan luar bandar di negeri Johor?

YB TUAN CHEN KAH ENG (STULANG)

SOALAN 36 (A119)

Perkhidmatan pengangkutan kereta/van rentas sempadan Malaysia/Singapura mempunyai permintaan yang cukup tinggi. Apakah rancangan kerajaan untuk membantu industri ini dari segi undang-undang dan persefahaman di antara dua negara?

YB DATUK HAJI RAMLEE BIN BOHANI (KEMPAS)

SOALAN 37 (A225)

Adakah dibawah Perbadanan Pengangkutan Awam Johor menyediakan coaster sebagai ganti kepada bas dikawasan-kawasan yang sukar dimasuki seperti di PPR Permai Kempas yang terdapat ramai golongan B40 dan warga emas?

YB TUAN WONG BOR YANG (SENAI)

SOALAN 38 (A147)

Berapakah jumlah Kawasan Rukun Tetangga (KRT) yang berdaftar di seluruh Johor setakat ini dan berapakah dikategorikan sebagai 'tidak aktif'? Apakah usaha daripada Jabatan Perpaduan Negara membantu untuk mengaktifkan semula KRT ataupun menggantikan dengan orang baru?

4. SAMBUNGAN PERBAHASAN ATAS RUNDINGAN MENJUNJUNG KASIH TITAH DULI YANG AMAT MULIA TUNKU MAHKOTA ISMAIL, PEMANGKU SULTAN JOHOR.

----- (PERBAHASAN) -----

Persidangan ditangguhkan sehingga hari Selasa, 14 Mei 2024, jam 9.30 pagi.